



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

LXXIX. Ad Maronitarum Nationem Commissarius Apostolicus ablegatur pro
præmissorum, aliorumque Apostolicæ Sedis mandatorum executione, cum
facultatibus opportunis. 16. Martii.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

Forma Juramenti fidelitatis.

constantissimè, Deo adjuvante, retinere, ac confiteri, atque a meis Subditis, vel illis, quorum cura ad me in meo munere spectabit, teneri, doceri, & prædicari, quantum in me erit, curaturum, ego idem Simon Electus, qui supra, spondeo, voveo, & juro, sic me Deus adjuvet, & hæc Sancta Dei Evangelia.

§. 6. Forma verò juramenti, quod prætabis, hæc est: Ego Simon Electus Patriarchalis Ecclesie Antiochena Nationis Maronitarum ab hac hora in antea fidelis & obediens ero Beato Petro, Sanctæque Apostolicæ Romanæ Ecclesie, ac Domino Nostro Domino Benedicto PP. XIV., suisque Successoribus canonicè intrantibus; non ero in consilio, aut consensu, vel factò, ut vitam perdant, aut membrum, seu capiantur mala captione, aut in eos violenter manus quomodolibet ingerantur, seu injuria aliqua inferantur, quovis quæsito colore: consilium verò, quod mihi credituri sunt per se, aut Nuntios, seu Literas, ad eorum damnum, me sciente, nemini pandam: Papatum Romanum, & Regalia Sancti Petri, adjutor eis ero ad defendendum, & retinendum contra omnem hominem: Legatum Apostolicæ Sedis in eundo, & redeundo honorificè tractabo, & in suis necessitatibus adjuvabo: jura, honores, privilegia, & auctoritatem Romanæ Ecclesie, Domini Nostri Pape, & Successarum præfatorum conservare, defendere, augere, & promovere curabo; nec ero in consilio, factò, vel tractatu, in quibus contra ipsum Dominum Nostrium, vel eandem Romanam Ecclesiam aliqua sinistra, vel præjudicialia persone, honoris, juris, status, & potestatis eorum machinentur, & si talia a quibuscumque procurari novero, vel tractari, impediam hoc pro posse, & quanto citius potero commodè significabo eidem Domino Nostro, vel alteri, per quem ad ipsius notitiam poterit pervenire: Regulas Sanctorum Patrum, Decreta, Ordinationes, sententias, dispositiones, reservationes, provisiones, & mandata Apostolica totis viribus observabo, & faciam ab aliis observari: Hæreticos, & Schismaticos, ac Rebelles Domino Nostro, & Successoribus præfatis pro posse persequar, & impugnabo; vocatus ad Synodum veniam, nisi præpeditus fuero canonica præpeditio: Apostolorum limina singulis decennis personaliter, ac per me ipsum visitabo, & Domino Nostro, & Successoribus præfatis rationem reddam de toto meo Pastoralis Officio, deque rebus omnibus ad Ecclesie meæ statum, ad Cleri, & Populi disciplinam, animarum denique, que meæ fidei credita sunt, salutem quoquomodo pertinentibus, & vicissim Mandata Apostolica præfata humiliter recipiam, & quam diligentissimè exequar: Quod si legitimo impedimento detentus fuero, præfata omnia adimplebo per certum Nuntium ad hoc speciale mandatum habentem, de gremio Capituli mei, aut alium in dignitate Ecclesiastica constitutum, seu aliàs Personatum habentem, aut his mihi deficientibus, per Diæcesanum Sacerdotem, & Clero deficiente, omnino per aliquem alium Presbyterum Sæcularem, vel Regularem spectatè probitatis, & Religionis de supradictis omnibus plenè instructum; de hujusmodi autem impedimento docebo per legitimas probationes ad Sanctæ Romanæ Ecclesie Cardinalem Proponentem in Congregatione Sacri Concilii Tridentini per supradictum Nuntium transmittendas; Possessiones verò ad Mensam meam pertinentes non vendam, neque donabo, neque impignorabo, neque denuo infundabo, vel aliquo modo, alienabo, etiam cum consensu Capituli Ecclesie meæ, inconsulto Romano Pontifice, & Constitutionem super prohibitionem Investiturarum Bonorum Jurisdictionalium de Anno Domini millesimo sexcentesimo vigesimoquinto editam servabo, & si ad aliquam alienationem devenero, pœnas in quadam super hoc edita Constitutione contentas eo ipso incurrere volo: Sic me Deus adjuvet, & hæc Sancta Dei Evangelia.

De Pallio eidem concedendo.

§. 7. Cæterum Pallium, insigne videlicet plenitudinis Pontificalis Officii, de Corpore Beati

Petri Apostoli sumptum, tunc ad Fraternitatem tuam, cum per tuum Nuntium, ea, qua decet, instantia postularum fuerit, destinandum, transmittendumque mandabimus. Non obstantibus iis omnibus, qua in præfatis nostris literis volumus non obflare, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 16. Martii MDCCXLIII. Pontificatus Nostri Anno Tertio.

D. Cardinalis Passioneus.

Dat. die 16. Mart. 1743.

Ad Maronitarum Nationem Commissarius Apostolicus ablegatur, pro præmissorum, aliorumque Apostolicæ Sedis mandatorum executione, cum facultatibus oportunis.

LXXIX.

Dilecto Filio Jacobo à Luca, Ordinis Fratrum Minorum Sancti Francisci de Observantia nuncupatorum professori, Conventus Sancti Sepulchri, ejusque dependentium, Visitatori, ac Commissario Apostolico.

BENEDICTUS PAPA XIV.

Dilecte Fili, salutem, & Apostolicam Benedictionem.

NUPER ad sedandas, componendasque lites, scissuras, & controversias post bonæ memoriæ Josephi Petri, dum vixit, Antiocheni Nationis Maronitarum Patriarchæ obitum excitatas, ob electionem, seu postulationem duorum Patriarcharum ad Ecclesiam Patriarchalem dictæ Nationis factam, edidimus Apostolicas nostras in simili forma Brevis Literas ad Venerabilem Fratrem Simonem Archiepiscopum Damascenum datas, in quibus alias pariter nostras in pari forma Brevis literas ad futuram memoriam editas inferuimus; Ambarum autem Literarum tenor est, qui sequitur. Venerabili Fratri Simoni &c. Nuper ad Nos &c. ut supra num. LXXVIII. Præfatarum autem Literarum exemplaria seorsim in Chartis Pergamenis scripta, & Annulo Piscatoris munita, cum hisce nostris conjuncta, ad te transmittenda mandamus, ut non solum, quæcumque in iisdem continentur, debite executioni demandari prouiderent, fideliterque cures, verum etiam quæcumque hisce nostris in pari forma Brevis à te peragenda in virtute sanctæ obedienciæ injungimus, omni studio, atque conatu conficere satagas.

De cassatione duplicis electionis Patriarchæ, & electione alterius auctoritate Apostolica; cum interfectione Breuium.

§. 1. Primum igitur omnium, Te, de cujus singulari fide, prudentia, sapientia, dexterritate, ac Religionis zelo plurimum in Domino confidimus, & ex eo præferim, quod diu in istis regionibus, dum per plures annos in Sancta Hierosolymorum Civitate Conventus Ordinis tui Guardiani munus laudabiliter exercebas, commoratus, mores, idiomata, & instituta Nationis Maronitarum apprime noveris, Nostro & Apostolicæ Sedis nomine, ad ea omnia, qua in memoratis nostris præfatis Literis continentur, peragenda, & conficienda, Ablegatum nostrum apud dictam Nationem, & Apostolicum Commissarium, cum omnibus, & singulis facultatibus ad hunc effectum necessariis, & opportunis, tenore, & auctoritate paribus facimus, constituimus, & deputamus.

Pro quorum executione Ablegatus S. Sedis, & Commissarius Apostolicus deputatur.

§. 2. Præterea facultatem Tibi etiam tribuimus, & impertimur, contra quoscumque mandatis tuis Apostolica auctoritate nostra munitis non parentes, contumaces, & rebelles, sive Archiepiscopali, & Episcopali dignitate præditos, sive Clerum sæcularem, & regularem, etiam Societatis Jesu, necnon Sæculares, & Laicos quoscumque, cujusvis gradus, & conditionis, ac

Cum facultate compellendi contumaces.

digni-

dignitatis, procedendi, si opus fuerit, cum canonicis censuris, & penis, quas pariter à te inflictas auctore Domino ratas habebimus, & observari faciemus.

Eidem demandatur recuperatio, & executio mandatorum Sanctæ Sedis defuncto Patriarchæ directæ.

§. 3. Insuper, quoniam Nos Apostolicas nostras in simili forma Brevis Literas, tum pro confirmatione Provincialis, seu Nationalis Synodi dictæ Nationis, tum pro nonnullis aliis Apostolicis ordinationibus occasione dictæ confirmationis necessariis, expeditas, dilecto Filio Eliæ Felici, qui à dicto Josepho Patriarcha, dum viveret, ad hanc Almam Urbem propter eandem confirmationem, & Apostolicas ordinationes hujusmodi missus fuerat, dedimus perferendas ad memoratum Josephum Petrum Patriarcham; hoc interea, dum dictus Missus esset in itinere, jam defuncto, Tibi committimus, & mandamus, ut omnes, & singulas Apostolicas Literas nostras hujusmodi, & Apostolicas ordinationes, necnon dictæ Congregationis Propagandæ Fidei Epistolas, & instructiones, tum ad ipsum defunctum Josephum Petrum Patriarcham, tum ad alios Antistites datas, & scriptas, ab eodem Elia Felice tibi restituendas, consignandasque nostro Nomine compellas & cogas; & eas, quæ quidem ad defunctum Patriarcham scriptæ erant, novo à nobis constituto, & deputato; quæ verò ad alios directæ, iis reddas, & debita executioni demandari cures & facias; etiam, si opus fuerit, facultate, & auctoritate Ablegati, & Commissarii Apostolici utendo contra rebelles, & contumaces, & Apostolicis mandatis non obtemperantes.

Alia facultates ad negotium faciendum necessarias ipsi tribuuntur.

§. 4. Verùm, ut ad optatum finem rem tanti momenti, & tam Inclytæ Nationi, orthodoxæ Fidei, & bonis moribus perniciosam perducere valeas, summæ tuæ dexteritatis, prudentiæ, & zeli opus esse intelligentes, Te rogamus, & in Domino hortamur, ut omnem operam, & consilium hac in re adhibere adnitaris, nihil omittendo, quod ad facilem negotiorum Tibi commissorum expeditionem conducere noveris, tum propensorem erga eam Nationem paternæ caritatis nostræ voluntatem explicando, tum Apostolicæ benignitatis argumenta eidem per Te, postquam Apostolicis mandatis, & ordinationibus nostris, ac præceptis tuis debitam, fidelemque præstiterint obedientiam, & non aliter, conferenda declarando.

I. Illa præservandi jura Nationis quoad electionem Patriarchæ.

§. 5. I. Ac primò quidem declares oportet, Nos per hanc à Nobis factam novi Patriarchæ, ut præmittitur, electionem, deputationemque, nullum Antistitibus dictæ Nationis præjudicium illatum iri voluisse, sed, ut obortis diffidius Nationem ipsam distrahentibus opportune consulere, & supremam Nostræ potestatis Apostolicæ auctoritate in appellationibus præsertim ad eandem Sedem delatis canonicè, ac necessariò interponenda utentes, novum Patriarcham elegisse, nec propterea jus eligendi, sive postulandi Patriarcham hujusmodi, juxta eorum morem, Antistitibus dictæ Nationis sublatum esse; imò Nos velle, & mandare, ut omnia in posterum, quæ à laudatâ Synodo à nobis approbatâ, & confirmatâ, sunt, circa Patriarchæ electionem præscripta, ab ipsis Antistitibus servari debeant.

II. Absolventi à censuris, & dispensandi in per irregularitate incuris.

§. 6. II. Tibi à Nobis omnem facultatem impertitam esse absolventi à censuris omnibus, & dispensandi à quibusvis irregularitatibus, ob celebrationem cum censuris, forsân, occasione dictarum electionum, & ob excessus, etiam cum operatione potestatis Ecclesiasticæ, & usu potestatis Laicæ, commissos, contractis, & incuris.

III. Sanandi actum, & expeditionum nullitates.

§. 7. III. Facultatem Tibi pariter concessam Apostolicæ auctoritate sanandi omnes, & singulos actus, & Patriarchales expeditiones, ab utroque prætenso Electo, ad usque denunciationis,

& intimationis Apostolicæ provisionis nostræ diem, peractos, & peractas.

§. 8. IV. Facultatem similiter tributam remittendi, & condonandi omnes pecuniarum, quæ ad Patriarchas spectabant, exactiones, ab utroque prætenso Electo quomodolibet factas; ita tamen, ut, quoad pecunias quidem ad Patriarcham spectantes, benigna utrique impendatur condonatio; quoad pecunias verò ad Sedem Patriarchalem pertinentes, unusquisque eidem Patriarchali Sedi restituere teneatur.

IV. Condonandi exactiones pecuniarum, non tamen Sed Patriarchali debitaram.

§. 9. V. Scripturas omnes ad utriusque prætensi Electi patrocinium, & favorem editas, & prædictæ Congregationi de Propaganda Fide hinc inde exhibitas, tamquam in forma non probanti esse, ac fore, & haberi, ac proinde in futurum nullum fama, & existimationi utriusque Electi ex ipsis detrimentum illatum esse, aut in futurum inferri posse, nisi judicialiter, servatis servandis, aliter constet.

V. Utriusque Electi famam, & existimationem purgandi.

§. 10. VI. Facultatem Tibi à nobis collatam, prout earundem præsentium tenore, & auctoritate similibus tribuimus, & impertimur, dispensandi cum Monachis Episcopali dignitate inauguratis ab Archiepiscopo Soriano super suspensione, & irregularitate contracta, præviis tamen salutaribus penitentis, & injuncto onere sese in aliquo Monasterio continendi, ibique per mensem saltem à Celebratione, & à Pontificalium exercitio sese abstinendi: Necnon facultatem Tibi traditam absolventi ipsum pariter Archiepiscopum Sorianum, alterius proinde Ritus, à prædicta ordinatione. Quibus sanè Episcopis denuncies, se eas Dioceses à dicto Archiepiscopo Tobia ipsis assignatas, quæ ab eodem Tobia Archiepiscopo retinebantur, & ad ipsum redire debent, habere non posse, sed eas dumtaxat, quæ de jure, juxta distributionem Diocesum, ad formam nostræ ordinationis præscriptæ occasione confirmationis laudatæ Synodi Provincialis, seu Nationalis, faciendam, assignari debent.

VI. Absolventi Episcopos illicitè consecratos, eorumque Consecratorem, adjectis legibus &c.

§. 11. VII. Indultum Altaris Privilegiati perpetui pro singulis Cathedralibus Ecclesiis à fel. recor. Benedicto Papa XIII. Prædecessore nostro per alias suas in simili forma Brevis Literas concessum, si ad Ecclesias Cathedrales ejusdem Patriarchatus dictæ Nationis non fuerit extensum, auctoritate Nostra extendas, & confirmes. Præterea iis Ecclesiis Parochialibus, in quibus aliud Altare Privilegiatum, sive perpetuum, sive ad tempus concessum non reperitur, nec sufficiens Missarum numerus celebratur, Altare Privilegiatum pro uno die in hebdomada, per Ordinarium loci designando, ad viginti quinque annos concedas. Insuper, Patriarchali quidem Ecclesiæ Plenarias Indulgentias perpetuas, revocando alias, sive ad tempus, sive in perpetuum concessas, quater in anno, aliis verò Cathedralibus bis in anno, per unumquemque Christifidelem, servatis servandis, lucrificandas, pariter concedas, & indulgeas.

VII. Altaria Privilegiata, & Indulgentias concedendi.

§. 12. Denique tuum erit in primis nihil intentatum relinquere, quod ad veram fraternamque caritatem, qua decet Episcopos sese mutuo complecti, & confovere, ut populis sibi commissis exemplo sint, atque incitamento, inter memoratos prætenso Electos Eliam Arcem, & Tobiam Napolosæ Archiepiscopos glutino Christi Pastorum Principis conciliandam, confirmandamque conducere possit; Nos enim Tibi omnes, ut præmittitur, facultates in hac re gravissima peragenda, & conficienda necessarias, & opportunas tribuimus, & impertimur. Non obstantibus iis omnibus, quæ in præsertis nostris Literis diximus non obitare, ceterisque contrariis quibuscumque.

Idem Contententium reconciliationi operam dare jubetur.

§. 13. Caterùm, Dilectè Fili, Te iterum rogamus, & in Domino hortamur, ut serio

Et ad præmissa omnia rectè peragenda excutatur.

animo considerans, & quam ardua sit provincia Tibi commissa, & quam amplæ facultates ad illam alacrius adeundam, & felicius explicandam, componendamque attributa, omnia studia, omnes conatus, & vires intendas, non ut Apostolicam tantum benignitatem nostram Tibi promerearis, sed ut æternam etiam in cælis repositam mercedem à bonorum omnium remuneratore Deo, quem unum præ oculis habere debes, consequi possis, & valeas. Nos interim, ad prosperi successus auspiciam, Tibi Apostolicam Benedictionem, quam Nostro nomine universæ Nationi mandatis tuis obtemperanti, tuque salubria monita adimplenti, elargiri poteris, peramanter impertimur.

Dat. die 16. Mart. 1743.

Datum Romæ apud Sanctam Mariam Majoram sub Annulo Piscatoris die XVI. Martii MDCCXLIII. Pontificatus Nostri Anno Tertio.

D. Card. Passioneus.

LXXX.

Electio Patriarchæ Maronitarum à Pontifice facta, & Ablegatio Commissarii Apostolici, Archiepiscopis, & Episcopis ejusdem Nationis denunciatur.

Venerabilibus Fratribus, Simoni ab Archiepiscopatu Damasci ad Patriarchalem Maronitarum Sedem translato, cæterisque Archiepiscopis, & Episcopis ejusdem Nationis.

BENEDICTUS PAPA XIV.

Venerabiles Fratres, salutem, & Apostolicam Benedictionem.

Pontifex refert, ac deplorat schisma inter Maronitas exortum.

MAGNA non minus admiratione, quam ægritudine affecti sumus, postquam è sex Episcoporum vestri Cætus, aliorumque literis intelleximus, Maronitarum Ecclesiam, post obitum postremi Patriarchæ Josephi Petri, funesto Schismate discissam fuisse; à sex illis Episcopis in ejus locum suffecto Elia Arcæ, ab aliis Tobiasia Napolosæ Archiepiscopis. Et quidem mirari satis non possumus, adeo nunc valuisse inimicum Hominem, ut superfeminaverit divisionis zizania in agro isto, adhuc ea lue prorsus intacto; utque vobis eripuerit decus amplissimum: id scilicet nunquam ex omni temporis memoria evenisse in vestro Patriarcha eligendo; qua laude nobiliores Ecclesiæ, vestro in conspectu positæ, plurimum caruerunt. Angi autem qui nequeat in tanta malorum colluvie, quæ vestram Nationem, discordiis, tumultu, perturbatione obruerunt? Siquidem uterque Electus, non expectato Romanæ Sedis judicio, (quod lege, & more vetusto necesse fuerat,) statim pro Patriarcha se gerens, forum aperuit, usurpanque Patriarchalia jura, miscet humana Divinis, ut suo se teneat loco. Hinc populus alterutri inhærens, incertus, divisus, triste sui spectaculum præbet insultanti Schismatico, Turcæ irridenti; & metus est, ne vera Dei Religio, quamquam vestra Genti altis radicibus infixæ, obcæcatis contentione mentibus, discrimen adeat, ut sapius alibi.

Ejusque perniciosos effectus.

Controversiæ examen in Congreg. particulari instituitur.

§. 1. Hac enimverò sollicitudine, ac paterna caritate commoti adeo sumus, ut vestris mendendis vulneribus, restituendaque sanitati acceleravimus, vix dum Romam venerunt utriusque partis Legati cum mandatis, & monumentis, supremum Apostolicæ Sedis judicium subituri. Nam statim selegimus aliquot è Sanctæ Romanæ Ecclesiæ Cardinalibus, Propagandæ Fidei præpositis, qui juris ordine servato, auditisque Advocatis, de toto controversiæ statu cognoscerent, & coram Nobis deciderent, an alterutra Electio, seu Postulatio, confirmanda

foret, aut sananda; & si utraque infirmenda, quid ultra Nobis agendum esset. Illi apud Nos convenerunt XV. Kalendas Martias, unaque fuit omnium sententia: utramque non modo nullam, atque invalidam, sed insanabilem videri, tantis undique scætant erratis adversus Canones, ipsaque vestras Constitutiones. Jus proinde eligendi, in hoc informis electionis casu, ad Apostolicam Sedem devolutum fuisse; sicuti Ecclesiasticæ jubent Leges, & ubique perpetuo in more fuit: cujus si nullum istic exemplum reperitur, referri debet Majorum vestrorum prudentiæ, qui ab hujusmodi nefario Schismate sibi semper caventur.

Congregationis scæntus.

§. 2. Nos igitur eorumdem Cardinalium sententiam assensu nostro prosequuti, utramque electionem penitus abrogavimus. Simul autem Patriarcham vestrum elegimus Venerabilem Fratrem Simonem Archiepiscopum Damasci, qui antiquior vestri Cætus, hoc etiam nomine commendationem habuit ad eam dignitatem; magis autem, quod miti ingenio, & a partium studiis abhorrente, ut plurimum testimonio accepimus, idoneus Nobis visus est ad tantum munus gerendum. Quocirca acceptissimum vobis, vestraque Genti fore, idque prompto atque alacri erga ipsum obsequio, debitaque obedientia vos comprobaturus non dubitamus, daturisque documentum, præteritas discordias non præcipiti voluntatis actu commotas fuisse, sed incautæ mentis errore, qui facilius excusari potest.

Abrogata duplici electione, alter eligitur Patriarcha, mentorum laude præstant.

§. 3. Nec vobis in mentem veniat suspicari, hac nostra extraordinaria consueti Patriarchæ providentia, juri vestro quidpiam detractum fuisse. Nam, & ipsum in hujus electionis diplomate vobis expresse reservavimus, & in Provincialis, seu Nationalis recentis vestra Synodi confirmatione, novo, ut perebatis, Pontificiæ auctoritatis robore permunivimus.

Salvis juri- bus Antistiti- um Maronitarum.

§. 4. Hæc per nostras istas literas in forma Brevis vobis referre fati duximus. Plura cognoscetis à Dilecto Filio Jacobo ab Urbe Luca, Observantium Franciscanorum Alumno, Apostolico Hierosolymis Visitatore, quem ad vos Nostro nomine ire Commissarium jussimus, ut sedulo curet observari, & custodiri quicquid in prænunciata Synodo, & à Nobis deinde, pro Ecclesiasticæ disciplinæ, sanctissimæque Religionis tutela, sancitum fuit; utque receptis à Sacerdote Andrea Felice, quem Patriarcha Joseph Petrus paulo post vita functus Romam ablegaverat, Nostri in forma Brevis ad eum literis, ubi plura peragenda commendavimus, & recuperato aliquo Religioso dono ad eundem Patriarcham transmissis, id omne Simoni ejus successoris representet, nostramque de rerum istic sacrarum Cultu, ritè, ac prudenter instituendo retinendoque, voluntatem, cujus conscium fecimus, patefaciat.

Commissarius Apostolicus pluribus facultatibus, & mandatis instructus ablegatur.

§. 5. Quin illum perhumaniter excepturi, præscriptæque vobis leges, accurata obedientia exequutari sitis, nullum Nobis relinquit ambigendi locum, omnium vestrum animus religione, & constantissima erga Supremum Pastorem fide penitus obstrictus. Præcipue verò vos adhortabitur, ut obliti præteritæ amulationis, unanimes sitis in Christo Jesu, sine querela, sine reprehensione, simplices filii Dei in medio Nationis, Turcarum scilicet, præva, & perversæ, (Apostoli verbis utimur), inter quos lucetis sicut luminaria in mundo. Quod in auspiciam, Venerabiles Fratres, Apostolicam Benedictionem vobis peramanter impertimur.

Debita Sanctæ Sedi obedientia, & animorum concordia commendat.

Datum Romæ apud Sanctam Mariam Majoram sub Annulo Piscatoris die XVI. Martii MDCCXLIII. Pontificatus Nostri Anno Tertio.

Dat. die 16. Mart. 1743.

J. Vincentius Lucchesinus.

Dignitas